

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), Zaključaka Vlade Zeničko-dobojskog kantona broj: 02-34-11041/15 od 13.05.2015. godine i broj: 02-34-14658/15 od 20.07.2015. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 47. sjednici, održanoj dana 18.03.2016. godine, d o n o s i

Z A K L J U Č A K

I.

Prihvata se Informacija o stanju u Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići sa prijedlogom mjera za konsolidaciju preduzeća, Ministarstva za poljoprivredu, šumarstvo i vodoprivredu Zeničko-dobojskog kantona.

II.

Zaključak stupa na snagu danom donošenja.

Broj: 02-_____/16.

Datum, 18.03.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Javno preduzeće „Šumsko-privredno društvo

Zeničko-dobojskog kantona“ d.o.o. Zavidovići, putem ministarstva,

1x a/a.

I N F O R M A C I J A

**o stanju u Javnim preduzeću. „Šumsko-privredno društvo Zeničko-dobojskog kantona“
d.o.o. Zavidovići sa prijedlogom mjera za konsolidaciju preduzeća**

Zenica, mart 2016. godine

I UVOD

Informacija o stanju u Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići (u daljem tekstu: JP „ŠPD-ZDK“ d.o.o. Zavidovići) sa prijedlogom mjera za konsolidaciju preduzeća sačinjena je na osnovu Izvještaja o radu i poslovanju za period januar-mart 2015. godine, Finansijskih izvještaja za 2014. godinu sa izvještajem ovlaštenog revizora, Informacije o gospodarenju šumama na području Zeničko-dobojskog kantona u 2014. godinu i planova za 2015. godinu, i u skladu sa Zaključcima Vlade Zeničko-dobojskog kantona broj: 02-34-11041/15 od 13.05.2015. godine i broj: 02-34-14658/15 od 20.07.2015. godine.

1. Zakonodavno-pravni okvir

JP „ŠPD-ZDK“ d.o.o. Zavidovići osnovano je Odlukom o osnivanju „Šumsko-privrednog društva Zeničko-dobojskog kantona“ d.o.o. Zavidovići („Službene novine Zeničko-dobojskog kantona“, broj: 15/03, 6/04 i 04/10). Šumama i šumskim zemljištem u državnom vlasništvu navedeno društvo gospodari na osnovu Ugovora o prijenosu poslova gospodarenja državnim šumama u administrativnim granicama Zeničko-dobojskog kantona zaključen dana 21.04.2009. godine, shodno Zakonu o šumama Federacije Bosne i Hercegovine iz 2002. godine, Anexa ugovora od 19.03.2014. godine, koji se odnosi na produženje trajanja osnovnog ugovora o prijenosu poslova gospodarenja državnim šumama i šumskim zemljištem i Anexa I ugovora o produženju ugovora o prijenosu poslova gospodarenja državnim šumama i šumskom zemljištu zaključen dana 08.01.2015. godine, te u skladu sa kantonalnim Zakonom o šumama, koji je donesen 04.07. 2013. godine i podzakonskim aktima, koji su doneseni na osnovu Zakona o šumama, te je u tom smislu oblast šumarstva na nivou Kantona djelomično pokrivena.

II ORGANI PREDUZEĆA

2.1. Skupština društva

Rješenjem Vlade Zeničko-dobojskog kantona broj: 02-34-2415/14 od 30.01.2014. godine imenovana je Skupština društva na mandatni period od četiri godine u sastavu:

1. Mujkić Dalija-predsjednik,
2. Ramljak Ivica-član,
3. Eminović Dino-član,
4. Agić Amela-član,
5. Lazić Predrag-član.

2.2. Nadzorni odbor

Odlukom Skupštine JP „ŠPD-ZDK“ d.o.o. Zavidovići broj: I-1/14 od 07.02.2014. godine imenovan je Nadzorni odbor društva na mandatni period od četiri godine u sastavu:

1. Brkićević Osman-predsjednik,
2. Ćosić Aziz-član,
3. Prlić Dragan-član,
4. Sakib Sinanović-član.

2.3.Uprava društva:

- 1.Hadžiabdić Alija-Direktor (od 12.09.2014. godine, Hasić Hasan od 23.04.2014. godine do 11.09.2014. godine, Kapić Mirzet do 23.04.2014. godine),
2. Đonlagić Smail-Izvršni direktor za tehničke poslove,
3. Hasić Hasan-Izvršni direktor za EKFP
4. Tadić Miroslav-Izvršni direktor za Pravne poslove.

2.6. Organizaciona struktura preduzeća

JP „ŠPD-ZDK“ d.o.o. Zavidovići na području kantona organizovano je po poslovnim jedinicama i to:

1. Poslovna jedinica „Šumarija“ Olovo,
2. Poslovna jedinica „Šumarija“ Vareš,
3. Poslovna jedinica „Šumarija“ Visoko,
4. Poslovna jedinica „Šumarija“ Kakanj,
5. Poslovna jedinica „Šumarija“ Zenica,
6. Poslovna jedinica „Šumarija“ Žepče,
7. Poslovna jedinica „Šumarija“ Zavidovići,
8. Poslovna jedinica „Šumarija“ Maglaj,
9. Poslovna jedinica „Šumarija“ Tešanj,
10. Poslovna jedinica Spomenik prirode „Tajan“.

Za obavljanje zajedničkih poslova na nivou Društva postoji Uprava u okviru koje osim zajedničkih poslova čine i četiri rasadnika za proizvodnju sadnog materijala za vlastite potrebe i eksterno tržište i to: Rasadnik Olovo, Zavidovići, Žepče i Tešanj.

III RESURSI DRUŠTVA

Ljudski resursi na dan 31.03.2015. godine

JP „ŠPD-ZDK“ d.o.o. Zavidovići na dan 31.03.2015. godine imalo je 1014 zaposlenih sa različitim radno-pravnim statusom. Broj zaposlenika na nedređeno vrijeme bio je 754, a ukupan broj uposlenika na određeno vrijeme je bio 238. U navedenom periodu pipravnički staž odrađivala su 22 pripravnika. Od ukupnog broja zaposlenih na dan 31.03.2015. godine diplomiranih inženjera šumarstva je 89, magistara šumarstva 5 i šumarskih tehničara 215.

3.1. Prirodni resursi

Društvo na području Zeničko-dobojskog kantona posluje u okviru 5 (slovima: pet) Šumsko-gospodarskih područja (ŠGP).

Ukupna površina šuma i šumskog zemljišta u državnom vlasništvu na području Zeničko-dobojskog kantona iznosi 185.084,88 ha od čega je nesporne površine odnosno površine kojom gospodari navedeno društvo je 181.258,59 ha.

Osnovni podaci o Šumskogospodarskim područjima (ŠGP) istim daju su u sljedećoj tabeli:

R.b.	Šumsko gospodarsko područje	Datum važenja Šumskogospodarskih osnova	Površina u ha	Godišnji etat u m ³		
				Četinari	Lišćari	UKUPNO:
1.	Olovsko	01.01.2012.31.12.2021.	32.371,38	114.261	45.082	159.343
2.	Gornjebosansko	01.01.2013.31.12.2022.	29.742,06	86.298	42.772	129.070
3.	Kakanjsko	01.01.2013.31.12.2022.	19.390,34	33.616	43.565	77.181
4.	Krivajsko	01.01.2013.31.12.2022.	83.426,00	75.700	166.215	241.915
5.	Natron-Usorsko- Ukrinsko	01.01.2008.-31.12.2017.	16.328,81	8.440	27.312	35.752
	UKUPNO:		181.258,59	318.315	324.946	643.261

Materijalni resursi

U procesu proizvodnje JP „ŠPD-ZDK“ d.o.o. Zavidovići koristi 25 šumskih traktora (slovima: dvadesetpet), 6 buldožera (slovima: šest), 6 utovarivača i skipova (slovima: šest), 10

kamiona (slovima: deset), 22 kombibusa (slovima: dvadesetdva), 23 terenska putnička vozila (slovima: dvadesettri) i 16 ostalih putničkih vozila.
(slovima: šesnaest)

Prostorni kapaciteti zadovoljavaju potrebe, kao i računarska opremljenost.

IV. PROIZVODNJA

U periodu januar-mart 2015. godine izvršenje fizičkog obima proizvodnje izvršeno je kako slijedi:

- planirana proizvodnja I faze-sječa neto drvene mase iznosila je 77.473 m³, a ostvarenje iste iznosilo je 73.975 m³ neto drvene mase.

- II faza-planirani izvoz drvene mase u navedenom periodu iznosio je 77.473 m³, a isti je ostvaren u količini od 71.392 m³,

- III faza-planirana otprema drvene mase u navedenom periodu iznosila 77.473 m³, a ista je ostvarena u količini od 71.490 m³.

V. POKAZATELJI POSLOVANJA

Na nivou JP „ŠPD-ZDK“ d.o.o. Zavidovići u periodu 01.01.-31.03.2015.godine su ostvareni su slijedeći rezultati:

Ukupan prihod I-III 2015. godine **6.754.940 KM**, koji čini:

a) prihod od prodaje proizvoda	6.397.114 KM,
b) prihodi od subvencija, donacija	352.912 KM,
c) prihodi od zakupa	3.500 KM,
d) ostali prihodi po drugim osnovama	600 KM,
e) prihodi od kamata	184 KM,
f) prihodi od prodaje materijala	630 KM.

Prihodi od subvencija koji su prikazani u ukupnom prihodu u iznosu od 352.912,00 KM odnose se na donaciju tj. dodjelu sredstava u iznosu od 300.000,00 KM koja su Zaključkom Vlade Zeničko-dobojskog kantona broj: 02-14-25390/14 od 23.12.2014.godine, odobrena Javnom preduzeću „Šumsko-privrednom društvu Zeničko-dobojskog kantona“ d.o.o. Zavidovići, shodno kandidovanim projektima od strane nevedenog društva u cilju saniranja šteta od poplava nastalih u periodu maj-avgust 2014. godine na šumskoj infrastrukturi (šumski putevi, mostovi i vlake), koja su isplaćena iz namjenskih sredstava Budžeta Ministarstva za poljoprivredu, šumarstvo i vodoprivredu-Kantonalne uprave za šumarstvo sa ekonomskog koda 821 600-Rekonstrukcija i investiciono održavanje.

Iznos od 52.912,00 KM odnose se na donirana sredstva od strane Federalnog ministarstva, poljoprivrede, vodoprivrede i šumarstva Sarajevo, shodno kandidovanim projektima od strane navedenog društva za saniranje požarišta i sl., koja su isplaćena iz namjenskih sredstava Budžeta Federalnog ministarstva poljoprivrede, vodoprivrede i šumarstva Sarajevo.

- Ukupan rashod I-III 2015. godine . **6.924.067 KM**, koji čine:

plaće i nakande troškova zaposlenih, izdaci za materijal i usluge, amortizacija, rashodi po osnovu ispravke vrijednosti i dr.

Najveće učešće u ukupnim troškovima čine troškovi plaća koji iznose 3.804.779 KM ili 54,95 %, zatim troškovi usluga izrade (kooperanti) 749.208 KM ili 10,82 %,

- Korekcija zaliha gotovih proizvoda I-III 2015. godine **103.865 KM,**

- Gubitak **I-III 2015.** **- 65.262 KM.**

Što se tiče gubitka koji iznosi -65.262 KM, isti bi bio u navedenom priodu puno veći da nije bilo ostvarenih prihoda od subvencija i donacija od strane Kantonalnog ministarstva i Federalnog ministarstva poljoprivrede, vodoprivrede i šumarstva za sanaciju šteta od elementarnih nepogoda.

R. Br	ELEMENTI POSLOVANJA		Vrijednost
			KM
1	2		3
1.	Ukupan prihod	Plan za I-III/ 2015	6.873.827
		Ostvareno u periodu I-III/ 2015.	6.754.940
2.	Ukupan prihod od drveta i od ostalih proizvoda u šumarstvu	Plan za I-III/ 2015	6.763.438
		Ostvareno u periodu I-III/ 2015.	6.397.114
3.	Ukupni troškovi poslovanja	Plan za I-III/ 2015	6.471.377
		Ostvareno u periodu I-III/ 2015.	6.924.067
4.	Prihodi od subvencija, donacija	Plan za I-III/ 2015	-
		Ostvareno u periodu I-III/ 2015.	300.000
5.	Prihodi od zakupa	Plan za I-III/ 2015	-
		Ostvareno u periodu I-III/ 2015.	3.500
6.	Prihod iz namjenskih izvora finansiranja	Plan za I-III/ 2015	78.814
		Ostvareno u periodu I-III/ 2015.	52.912
7.	Ostali prihodi po drugim osnovama	Plan za I-III/ 2015	-
		Ostvareno u periodu I-III/ 2015.	600
8.	Prihodi od kamata	Plan za I-III/ 2015	-
		Ostvareno u periodu I-III/ 2015.	184
9.	Ostali prihodi	Plan za I-III/ 2015	-
		Ostvareno u periodu I-III/ 2015.	630
10.	Prihodi iz osnova ispravki grešaka iz ranijih godina	Plan za I-III/ 2015	31.575
		Ostvareno u periodu I-III/ 2015.	-
11.	Ukupni troškovi poslovanja	Plan za I-III/ 2015	6.471.377
		Ostvareno u periodu I-III/ 2015.	6.924.067
12.	Poslovni rezultati I	Plan za I-III/ 2015	402.451
		Ostvareno u periodu I-III/ 2015.	-169.127
13.	Pokriće troškova uprave	Plan za I-III/ 2015	407.701
		Ostvareno u periodu I-III/ 2015.	344.911
14.	Poslovni rezultati sa pokrićem troškova uprave II	Plan za I-III/ 2015	402.451
		Ostvareno u periodu I-III/ 2015.	-169.127
15.	Korekcija zaliha gotovih proizvoda	Plan za I-III/ 2015	-
		Ostvareno u periodu I-III/ 2015.	103.865
16.	Poslovni rezultat III-Gubitak	Plan za I-III/ 2015	402.451
		Ostvareno u periodu I-III/ 2015.	-65.262

VII. STANJE U JAVNOM PREDUZEĆU „ŠUMSKO-PRIVREDNO DRUŠTVO ZENIČKO-DOBOJSKOG KANTONA“ D.O.O. ZAVIDOVIĆI

1. Velike akumulirane obaveze - Ukupne kratkoročne obaveze na dan 31.12.2014. godine, iznose 17.716.565 KM i veće su u odnosu na 31.12.2013. godine za 1.600.490 KM. Struktura obaveza je slijedeća:

- Obaveze po osnovu plata, naknada i ostalih primanja zaposlenih 9.826.151 KM. (Obaveze na ime doprinosa zdravstvenog osiguranja iznose 3.398.276,00 KM, Obaveze na ime doprinosa za PIO/MIO iznose 4.328.626,00 KM).
- Kratkoročne finansijske obaveze 300.000 KM
- Obaveze iz poslovanja 3.333.031 KM. (Primljeni avansi 731.908 KM i Dobavljači u zemlji 2.601.144 KM).
- Obaveze za PDV 287.905 KM

- Obaveze za ostale poreze i druge dadžbine 3.967.195 KM . Ove obaveze se odnose na Obaveze za ostale doprinose, članarine i slične obaveze u iznosu 2.424.445 KM i Ostale obaveze (naknada za korištenje državnih šuma) u iznosu 1.541.650 KM.
- Druge obaveze 2.283 KM

Dugoročna rezervisanja prikazana su u iznosu 5.482.991 KM i odnose na zatezne kamate za neplaćene doprinose.

Analizom obaveza, potraživanja i troškova poslovanja u toku 2014. godine evidentno je da su i dalje velike obaveze nastale na osnovu neplaćenih poreza i doprinosa na i iz plaća i obaveze na ime neplaćenih naknada za šume. Tokom 2014. godine zaključen je sporazum o mjesečnom plaćanju obaveza na ime naknade za šume između općina koje su tužile JP „ŠPD-ZDK“ d.o.o. Zavidovići i Zeničko-dobojski kanton .

2. Upisane hipoteke na većini imovine – Prema podacima iz Izvještaj o poslovanju JP „ŠPD-ZDK“ d.o.o. Zavidovići za 2014. godinu na većini imovine JP „ŠPD-ZDK“ d.o.o. Zavidovići je upisana hipoteka po osnovu duga po osnovu poreza i doprinosa u korist Poreske uprave FBiH.

3. Kontinuirano povećanje troškova plata - U periodu 01.01. do 31.12.2014. godine najveći izdaci su se odnosili na plate, naknade iz plata i ostala primanja radnika, izdatke za kooperantske usluge, GPO liste (pošumljavanje i ostali šumski radovi), izdatke za gorivo, mazivo i izdatke za rezervne dijelove zbog dotrajalosti mehanizacije.

Troškovi plata i ostala primanja zaposlenih iznose 20.848.146 KM i veća su u odnosu na 2013, godinu za 519.871 konvertibilnih maraka, a u odnosu na 2012.godinu za 1.950.794 konvertibilnih maraka. Rast troškova plata pravda se postojećim zakonskim rješenjem. Uprava nije istrajala u traženju drugih rješenja za smanjenje ovih troškova.

Godina	Troškovi plata i naknada plata	Troškovi ostalih primanja zaposlenih	Troškovi naknada fiz. licima	Ukupni troškovi	Broj zaposlenih
2012	15.455.916	2.719.848	721.588	18.897.352	998
2013	16.684.559	2.851.832	791.884	20.328.275	1021
2014	17.146.586	2.924.721	776.839	20.848.146	1036

4. Starosna struktura zaposlenika i velik broj radnika sa invaliditetom-Prosječna starost zaposlenika na neodređeno vrijeme je 44 godine. Od ukupnog broja uposlenih radnika 12% čine invalidi II kategorije, a koji su prije nastanka invalidnosti bili proizvodni radnici. Problem raspoređivanja invalida II kategorije je problem s kojim se JP „ŠPD-ZDK“ d.o.o. Zavidovići suočava duže vrijeme, a isti je pokušao da se riješi usvajanjem novog pravilnika o organizaciji i sistematizaciji radnih mjesta kojim je utvrđeno više radnih mjesta za invalide II kategorije. Međutim i taj je broj vrlo brzo popunjen.

I pored ostojanja velikog broja invalidnih lica u ukupnom broju zaposlenih ništa značajnije nije učinjeno na promjeni strukture prihoda. Preduzeće i dalje uglavnom ostvaruje prihod od drveta, a nikako ili zanemarivo malo se koriste drugi alternativni izvori prihoda, kao što su nedrvni šumski proizvodi.

5. Neispunjavanje planova-Ukupno smanjeno ulaganje u šume u protekom periodu se manifestuje i kroz zaostajanje u realizaciji planova šumsko-uzgojnih radova, zaostajanje u realizaciji planova zaštite šuma, kao i zaostajanje u realizaciji planova izgradnje i rekonstrukcije šumske infrastrukture. Na ovaj način šume postepeno gube svoju vrijednost, odnosno konstantno se smanjuje udio najvrijednijih sortimenata u njima. Potrebno je uravnotežiti realizaciju svih planova

gospodarenja propisanih šumskogospodarskim osnovama, a posebno pojačati intenzitet realizacije planova zaštite šuma, planova šumsko-uzgojnih radova i planova izgradnje i rekonstrukcije šumske infrastrukture. Obaveza je JP „ŠPD-ZDK“ d.o.o. Zavidovići da obzbijedi realizaciju pojedinačnih planova šumskogospodarskih osnova na cijeloj površini svakog od pet šumskoprivrednih područja na teritoriji Kantona.

6. Dotrajalost šumske i građevinske mehanizacije-Šumska i građevinska mehanizacija koju koristi J.P. „ŠPD-ZDK“ d.o.o. Zavidovići je prilično zastarjela i istu bi trebalo obnoviti. Zbog nagomilanih obaveza i finansijskog stanja preduzeće nije u mogućnosti da izvrši nabavku novih mašina. U ranijem periodu su uglavnom nabavljane polovne i reparirane radne mašine a što značajno utiče na troškove održavanja.

7 Neusvajanje izvještaja od strane Skupštine Zeničko – dobojskog kantona- Skupština Zeničko-dobojskog kantona na 13. sjednici održanoj dana 29.07.2015.godine nije usvojila Izvještaj o poslovanju JP „ŠPD-ZDK“ d.o.o. Zavidovići za 2014. godinu (Izvještaj o radu sa finansijskim izvještajem) sa Odlukama Skupštine JP „ŠPD-ZDK“ d.o.o. Zavidovići broj: 01-IX-16/15, broj:01-IX-17/15 i broj: 01-IX-18/15 od 18.06.2015. godine

8. Preporuke Ureda za reviziju Institucija u Federaciji Bosne i Hercegovine- Izvršenom revizijom od strane Ureda za reviziju institucija u Federaciji Bosne i Hercegovine u junu 2015. godine poslovanja J.P. „Šumsko-privredno društvo Zeničko-dobojskog kantona“ d.o.o. Zavidovići za 2014. godinu, Ured u svom Izvještaju konstatovao je određeni broj propusta i nepravilnosti, te u cilju otklanjanja istih dao je slijedeće preporuke:

- Osnivač Društva i resorno ministarstvo dužni su aktivno se uključiti i poduzeti odgovarajuće mjere u prevazilaženju i rješavanju navedenih problema i propusta (negativno poslovanje, adekvatna naplata potraživanja, usklađivanje troškova plaća, zaustavljanja daljeg zaduživanja),
- Uskladiti troškove plaća, kako bi se prevazišli nagomilani finansijski problemi: gubitak u poslovanju, založena imovina, neplaćanje poreza i doprinosa itd.
- Na datum bilansa vršiti procjenu postoje li bilo kakvi pokazatelji je li vrijednost nekog sredstva umanjena i procjenu nadoknadiive vrijednosti takvih sredstava, u skladu sa zahtjevima MRS 36-Umanjenje imovine.
- Poduzeti mjere u cilju prevazilaženja navedenih problema (davanje imovine pod hipoteku), kako ne bi došlo do gubitka iste, što može imati za posljedicu da Društvo u budućnosti neće moći poslovati neometano na tržištu.
- Finansijske izvještaje sačinjavati u skladu sa Zakonom o računovodstvu i reviziji u FBiH, paragrafu 33, 37. i 85. Okvira za sastavljanje i prezentaciju finansijskih izvještaja.
- Uprava mora koristiti sredstva osiguranja naplate (bankovnu garanciju) kako se ne bi stvarala velika potraživanja po pojedinim kupcima.
- Isplatu plaća zaposlenima vršiti uz uplatu doprinosa i poreza u skladu sa važećim zakonskim propisima.
- Posvetiti posebnu pažnju sudskim postupcima koji se vode na sudovima, a posebno onima koji su pokrenuti protiv Društva, jer isti mogu prouzrokovati neplanirane rashode u narednom periodu, što može ugroziti poslovanje Društva.

VIII PRIJEDLOG MJERA

Uzimajući u obzir trenutno stanje u Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići, ostvareni rezultat po osnovu poslovanja u periodu 01.01.-31.03.2015.godine, predlažemo poduzimanje slijedećih mjera za konsolidaciju preduzeća:

1. Razrješenje članova Skupštine društva.
2. Imenovanje nove Skupštine društva.
3. Zaduženje Skupštini Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići, da u što kraćem roku održi sjednicu na kojoj će analizirati rad Nadzornog odbora JP „ŠPD-ZDK“ d.o.o. Zavidovići i poduzimanje odgovarajućih mjera na rješavanju stanja u JP „ŠPD-ZDK“ d.o.o. Zavidovići.

Informaciju izradilo:

Ministarstvo za poljoprivredu,
šumarstvo i vodoprivredu